

Байтул Мақдис нақадар яхши намозгоҳ



11:08 / 08.11.2023 1897

Абу Зарр розияллоҳу анҳудан ривоят қилинади:
«Бир куни Пайғамбаримиз соллаллоҳу алайҳи васаллам ҳузурларида
Масжиди Набавий афзалими ёки Масжидул Ақсоми, деб баҳслашиб қолдик.
Расулуллоҳ соллаллоҳу алайҳи васаллам дедилар: «**Менинг масжидимда**
ўқилган битта намоз Байтул Мақдисда ўқилган тўртта намоздан
афзал. У ер, яъни Байтул Мақдис нақадар яхши намозгоҳ. Ҳали
шундай вақтлар келадики, киши учун отининг арқони миқдорича
Байтул Мақдис кўриниб турадиган ери бўлиши дунёдаги барча
нарсадан яхшироқ бўлиб қолади».

Имом Ҳоким «Мустадрак»да ривоят қилиб, сахих деган ва Заҳабий унинг бу
фикрини маъқуллаган.

Изоҳ: Набий соллаллоҳу алайҳи васаллам масжидида ўқилган битта намоз
бошқа масжидларда ўқилган намоздан минг карра устун саналади.
Масжидул Ақсода ўқилган биргина намоз бошқа масжидларда ўқилган
икки юз элликта намозга teng экан.